

**II** Actio moralis mixta est quæ est mediæ naturæ inter spontaneam & violentam.

S C H O L. Hoc modo aliquis dicitur nolens volens agere, ut quum mercatores horrendâ tempestate obortâ, ut vitam liberent, merces suas in mare projiciunt. Talis projectio est actio non simpliciter spontanea, neque simpliciter invita. Non spontanea, quia aliquo modo coguntur; non invita, quia quodammodo consentiunt. Sunt tamen ejusmodi actiones magis spontaneæ quàm invitæ, quia inter duo mala eligitur quod minus est. Quare si electio est, ut est, sequitur, spontaneam esse actionem. Actio autem mixta meretur laudem, si propter majus bonum sufferimus minus malum; vituperium, si propter minus bonum toleramus majus malum.

**12** Deinde actio moralis est vel bona, vel mala; illa ad bonum morale determinatur, hæc ad malum morale.

S C H O L. Bona actio judicatur non ex solâ intentione bonâ, verùm etiam ex reliquis caussis. Necesse est enim ut media adhibeantur bona, & ut usus illorum sit legitimus. Nec enim bona intentio continuò facit bona media, ut si quis per parricidium velit conservare amicum. Nota est regula Apostoli, Rom. 3. v. 8. Non sunt facienda mala ut eveniant bona. Sic queritur, An actio per se & absolutè mala aliquando pro ratione circumstan-tiarum possit censeri bona? Respon. per distinctionem inter duplex malum, quorum alterum est molestum & noxiū, schädlich/alterum verò turpe & in honestum, schändlich. Ratione prioris genetis affirmativa thesis locum habet; ratione vero posterioris, negativa.

Dicitur alibi  
Violentum se,  
cumdum qd se

*Nolens Volens*